

বিসমিল্লাহির রাহমানির রাহীম

নিখিলবিশ্ব আহমদীয়া জামাতের প্রাণপ্রিয় ইমাম হয়রত খলীফাতুল মসীহ আল খামেস (আই.) গতকাল ৪ঠা জানুয়ারি, ২০১৯ লসনের বাইতুল ফুতুহ মসজিদে প্রদত্ত জুমুআর খুতবায় সবাইকে ইংরেজি নববর্ষের শুভেচ্ছা জানান এবং রীতি অনুসারে ওয়াকফে জাদীদের ৬২তম নতুন বছরের ঘোষণা প্রদান করেন।

হ্যুর (আই.) বলেন, আজ ২০১৯ সালের প্রথম জুমুআ, এজন্য আমি প্রথমে সারা পৃথিবীর সকল আহমদীকে নববর্ষের শুভেচ্ছা জানাচ্ছি; আল্লাহ তা'লা এ বছরটি আমাদের জন্য সবদিক থেকে আশিসময় করুন। এ বছরটি আমাদের জন্য অগণিত সাফল্য বয়ে নিয়ে আসুক।

হ্যুর বলেন, আমাদের এ কথাও স্মরণ রাখতে হবে, কেবল প্রথাগতভাবে শুভেচ্ছা জানানো সত্যিকার অর্থে আশিস লাভের কারণ হয় না। নববর্ষের শুভেচ্ছা জ্ঞাপন তখনই কার্যকর প্রমাণিত হবে যখন আমরা এই প্রতিজ্ঞা করব— আল্লাহ তা'লা যেহেতু আমাদেরকে আরেকটি বছরের নতুন সূর্য দেখিয়েছেন, তাই আমরা এবছর নিজেদের ভেতরকার সকল দুর্বলতা ও অন্ধকার দূর করার সর্বাত্মক চেষ্টা করব; বিগত বছর যেসব ক্রটি-বিচ্যুতি ছিল সেগুলো দূর করার অঙ্গীকার করব। নিজেদের মধ্যে পবিত্র পরিবর্তন সৃষ্টির প্রতিজ্ঞা করে আমরা হয়রত মসীহ মওউদ (আ.)-এর কাছে বয়আতের যে অঙ্গীকার করেছি, সেই অঙ্গীকার পালনের জন্য পূর্বের চেয়ে অধিক সচেষ্ট হব।

একজন আহমদীর মান কীরূপ হওয়া উচিত সে সম্পর্কে একদা হয়রত মসীহ মওউদ (আ.) বলেন, “বয়আত করে একজন মানুষের শুধু এতটুকু বিশ্বাস করাই যথেষ্ট নয় যে, এই জামাত সত্য; আর এটুকু মানলেই সে কল্যাণ লাভ করবে। যেহেতু এই জামাতভুক্ত হয়েছ, তাই পবিত্র ও মুত্তাকী হওয়ার চেষ্টা কর। প্রত্যেক পাপ থেকে আত্মরক্ষা কর, দিবারাত্রি ক্রন্দনে রত থাক, মুখের ভাষাকে ন্যূন রাখ, ক্ষমা-প্রার্থনাকে নিজের অভ্যাসে পরিণত কর, নামাযে দোয়া কর। খোদা তা'লা শুধু মুখের কথায় খুশি হন না। আল্লাহ তা'লা পবিত্র কুরআনে ঈমানের পাশাপাশি সৎকর্ম সাধনের কথাও বলেছেন। আমলে সালেহ হল সেই কাজ, যাতে লেশমাত্রও ক্রটি থাকে না।”

হ্যুর বলেন, আমাদের আদর্শ ও করণীয় এরূপ হওয়া উচিত। আমরা যদি এই মান অর্জনের জন্য যথাসাধ্য চেষ্টা করি, তবেই এ বছরটি আমাদের জন্য কল্যাণ বয়ে আনবে। আমাদের ব্যক্তি জীবনে এবং সমষ্টিগতভাবে জামাতের জন্য এবছরটি অগণিত কল্যাণ বয়ে আনবে এটিই কাম্য।

এরপর হ্যুর খুতবার অপর বিষয়বস্তুর দিকে দৃষ্টি আকর্ষণ করে বলেন, আপনারা সবাই জানেন, জানুয়ারি মাস থেকে ওয়াকফে জাদীদের নতুন বছর হয় এবং রীতি অনুসারে জানুয়ারির প্রথম বা দ্বিতীয় শুক্রবারে তা ঘোষণা করা হয়। আল্লাহ তা'লার কৃপায় আর্থিক কুরবানী মসীহ মওউদ (আ.)-এর জামাতের এক অনন্য বৈশিষ্ট্য। পবিত্র কুরআনে আল্লাহ তা'লা বারংবার আল্লাহর রাস্তায় খরচ করার প্রতি আমাদের মনোযোগ আকর্ষণ করেছেন। এটি এজন্য করেন নি যে, তিনি আমাদের সম্পদের মুখাপেক্ষী; বরং এর কারণ হল, এতে আমাদের জন্য কল্যাণ নিহিত, আর এর ফলে

সমষ্টিগতভাবে জামাত লাভবান হয়। পবিত্র কুরআনে আল্লাহ্ তা'লা বলেন, ‘তোমরা নিজ সাধ্যানুসারে আল্লাহ্ তাকওয়া অবলম্বন কর, এবং শোন ও আনুগত্য কর আর খরচ কর, এটি তোমাদের জন্যই কল্যাণকর। আর যাদেরকে মনের কৃপণতা থেকে রক্ষা করা হয়, তারাই প্রকৃতপক্ষে সফলকাম। যদি তোমরা আল্লাহ্‌কে উত্তম ঝণ প্রদান কর তবে তিনি তা তোমাদেরকে বহুণ বাড়িয়ে দিবেন এবং তোমাদের ক্ষমা করে দিবেন। আর আল্লাহ্ অত্যন্ত গুণঘাসী, পরম সহিষ্ণু।’

মহানবী (সা.) বলেছেন, ‘কার্পণ্য থেকে মুক্ত থাকো, কেননা এটিই পূর্ববর্তী জাতিগুলোর ধর্মসের কারণ হয়েছিল।’ তিনি আরও বলেছেন, ‘যদি কেবল অর্ধেকটা খেজুর দান করার সাধ্য থাকে, তবে তা দান করেই আগুন থেকে আত্মরক্ষা করো।’

হ্যারত মসীহ মওউদ (আ.) বলেন, ‘তোমাদের জন্য এটি সম্ভবপর নয় যে, সম্পদের প্রতিও ভালোবাসা রাখবে আর খোদাকেও ভালোবাসবে; কেবল একটিকেই ভালোবাসা সম্ভব। সৌভাগ্যবান সে, যে খোদাকে ভালোবাসে। যদি তোমাদের মধ্যে কেউ খোদা তা'লাকে ভালোবাসে তাঁর পথে সম্পদ খরচ করে, তাহলে আমি বিশ্বাস করি, তার সম্পদ অন্যদের তুলনায় বেশি বৃদ্ধি পাবে। কেননা সম্পদ আপনা-আপনি আসে না, বরং খোদার নির্দেশে আসে।’

তিনি (আ.) আরও বলেন, ‘তোমরা মনে করো না যে, খোদা তা'লার পথে সম্পদ খরচ করে বা অন্য কোনভাবে সেবা করে তোমরা খোদা তা'লা ও তাঁর প্রেরিত পুরুষের প্রতি কোন প্রকার অনুগ্রহ করছ। বরং এটি তাঁর অপার অনুগ্রহ যে, তিনি তোমাদেরকে এ কাজের সুযোগ দিয়েছেন। নিশ্চিত জেনো, এটি এশী কাজ আর তোমাদের সেবা কেবল তোমাদেরই মঙ্গলার্থে।’

হ্যুর (আই.) বলেন, আল্লাহ্ কৃপায় আহমদীরা কুরবানী ও সেবার এই বিষয়টি খুব ভালভাবেই অনুধাবন করেন এবং পরম উৎসাহ নিয়ে এতে অংশ নেন। পুরনো আহমদীরাই শুধু নয়, বরং নবাগতরাও বয়আত গ্রহণের পর এর গুরুত্ব খুব ভালোভাবে বুঝতে পারেন, এমনকি দারিদ্র্য সত্ত্বেও আর্থিক কুরবানীর ক্ষেত্রে তারা পিছপা হন না। আর কেউ কেউ তো এক্ষেত্রে সেই মানে উন্নীত যার প্রশংসা স্বয়ং মসীহ মওউদ (আ.) নিজ যুগে তাঁর কতক সাহাবীর বেলায় করেছেন।

এরপর হ্যুর (আই.) বিশ্বের বিভিন্ন প্রান্ত এবং দূর-দূরান্তে বসবাসকারী নবাগত আহমদীদের কতিপয় ঘটনা তুলে ধরেন যার মাধ্যমে জামাতের সদস্যদের কুরবানীর উন্নত মান এবং আল্লাহ্ তা'লার প্রতিশ্রূতি অনুসারে তাদের প্রতি খোদার অসাধারণ কৃপার চিত্র উজ্জ্বলভাবে বিকশিত হয়।

ঘানার এক আহমদী পড়াশোনার ফি প্রদানের জন্য ব্যাংক থেকে বেশ বড় একটি অংক ঝণ নেন, প্রতিমাসে তার বেতনের ৪০ শতাংশ সেই ঝণ পরিশোধেই চলে যেত। আর্থিক অসঙ্গতি সত্ত্বেও তিনি যথারীতি পুরো আয়ের ওপর চাঁদা প্রদান করতেন। এমতাবস্থায় একদিন মসজিদে গেলে তাকে ওয়াক্ফে জাদীদের চাঁদার কথা স্মরণ করানো হয়। তার কাছে সেই মুহূর্তে তার ওয়াদার সমপরিমাণ অর্থ ছিল, এবং তিনি তা পরিশোধও করেন। কিন্তু এরপর তার কাছে মাসের বাকী দিনগুলোতে

কর্মসূলে যাওয়ার মত পথ খরচও ছিল না। কিন্তু বাসায় ফেরার পথেই তিনি তার ব্যাংক একাউন্টে টাকা আসার একটি ক্ষুদ্রেবার্তা পান, যার পরিমাণ ছিল প্রদত্ত চাঁদার পাঁচগুণ বেশি। তিনি তেবেছিলেন, এটি হয়তো ভুলে এসেছে; কিন্তু পরে জানতে পারেন এটি সরকারের পক্ষ থেকে তাকে দেয়া হয়েছে। এর ফলে তিনি বিশ্বাস ও নিষ্ঠায় আরও সমৃদ্ধ হন।

বুর্কিনাফাঁসোর এক নবাগত খাদেম, যিনি দীর্ঘদিন যাবৎ অসুস্থ ছিলেন, এমনকি মানসিক অবসাদ ও হতাশার কারণে আত্মহত্যার চিন্তাও তার মধ্যে বাসা বেঁধেছিল, চাঁদা দেয়ার কারণে তিনি সম্পূর্ণরূপে আরোগ্য লাভ করেন আর তার ঈমান আরো সৃদৃঢ় হয়।

যুক্তরাজ্যের এক আহমদী তাহরিকে জাদীদের জন্য বিগত বছরের তুলনায় কিছুটা বেশি চাঁদা দেয়ার ওয়াদা করলেও তার তখন ততটা সঙ্গতি ছিল না। এজন্য তিনি দোয়া করতে থাকেন, আর আশ্চর্যজনকভাবে সরকারের পক্ষ থেকে কর বেশি প্রদানের কারণ দেখিয়ে অর্থ ফেরত দেয়া হয়। পরবর্তীতে ওয়াক্ফে জাদীদের চাঁদার বেলাতেও তিনি অনুরূপ করেন, আর এবারও আশ্চর্যজনকভাবে চাঁদার অর্থের যোগাড় হয়ে যায়। এসব ঘটনা তার ঈমানকে বহুগুণে দৃঢ় করে।

বুর্কিনাফাঁসোতে এক নতুন বয়আতকারী চাঁদা দেয়ায় তার অ-আহমদী পিতা ক্ষুদ্র হয়ে তাকে কিছু জমি দিয়ে বাড়ি থেকে বের করে দেন। এ বছর তিনি সেই জমিতে চাষ করলে অনেক বেশি ফসল হয়, অথচ অন্য সবার ফসল অতিরিক্ত বৃষ্টির কারণে ক্ষতিগ্রস্ত হয়। তখন তার পিতা নিজেই তাকে বলেন, তোমার জামাত সত্য, তুমি এতে অবিচল থাক; আমি সমাজের কারণে এ জামাত গ্রহণ করতে অপারগ।

ভারতের একটি জামাতে একজন যুবক ওয়াক্ফে জাদীদের তাহরিক শুনে ওয়াদা করেন ও সাথে সাথে তা পরিশোধ করে দেন। সেদিনই তিনি একটি বড় অংকের অর্থ পাওয়ার খবর পান, যা তার পাওনা হলেও গত আট বছর ধরে তিনি তা পাচ্ছিলেন না। আর একইসাথে তার অঙ্গীয়ান চাকরি ও স্থায়ী হওয়ার তিনি খবর পান। তিনি বলেন, এটি কেবলমাত্র চাঁদা দেয়ার বরকতেই হয়েছে।

রোমানিয়ার একজন রোমানিয়ান আহমদী, যিনি দর্জির কাজ করেন, চাঁদা প্রদানের ক্ষেত্রে খুবই একনিষ্ঠ। চাঁদাও খুব সম্মানের সাথে দেন, সবসময় কোন সাদা খাম বা সাদা কাগজে মুড়িয়ে চাঁদার টাকা দেন। তিনি হ্যারের কাছে চিঠিতে লিখেন, আল্লাহর কৃপায় আমার চাঁদা দেয়ার সৌভাগ্য হয়, আর এ কারণে আল্লাহ তা'লা সবসময় আমার গ্রাহক বৃদ্ধি করে দেন আর বেশি আয়ের ব্যবস্থা করে দেন। একদিকে আমি আল্লাহর পথে খরচের জন্য পকেট থেকে টাকা বের করি, সাথে সাথেই আল্লাহ তা'লা আমার পকেট আরও ভরে দেয়ার ব্যবস্থা করে দেন।’ এটি হল তার নিষ্ঠা ও বিশ্বাস আর তার প্রতি আল্লাহর দয়া।

কানাডায় ১২ বছরের এক স্কুলছাত্রী স্কুল থেকে পুরস্কার হিসেবে ৮০ ডলার পায়। সে এটি দিয়ে তার শখের কিছু কেনার ইচ্ছা রাখত, কিন্তু ওয়াকফে জাদীদের চাঁদার তাহরিক শুনে সে তা চাঁদা হিসেবে দিয়ে দেয়। কয়েকদিন পর যখন আব্দুস সালাম বিজ্ঞান মেলা হয়, সেখানে সে প্রথম

স্থান অধিকার করে এবং ৩০০ ডলার পুরস্কার পায়। এভাবে আল্লাহ্ তা'লা এই ছোট শিশুকেও কয়েকগুণ বাড়িয়ে প্রতিদান দেন যা তার বিশ্বাসকে দৃঢ় করে। এরকম অজস্র ঘটনা রয়েছে, যা উন্নত বিশ্ব থেকে শুরু করে আফ্রিকা-এশিয়াসহ সারা পৃথিবীতেই ঘটছে, আর এই যুগেই ঘটছে।

হ্যুর (আই.) বলেন, আহমদীয়াতের বিরোধীদের বিবেক-বুদ্ধি যদি নষ্ট হয়ে গিয়ে না থাকে, তবে এসব ঘটনাই তাদের দৃষ্টি উম্মেচনের জন্য যথেষ্ট হওয়ার কথা। কেননা শুধুমাত্র ধর্মের খাতিরে এরপ নিষ্ঠার সাথে আর্থিক কুরবানী করার এবং হাতেনাতে এমন ফলাফল লাভের উদাহরণ কেবল এই জামাতেই দেখতে পাওয়া যায়। আর মানুষের মধ্যে ধর্মের প্রতি এরপ ভালোবাসা কেবল আল্লাহ্ তা'লাই সৃষ্টি করতে পারেন। এটি হ্যরত মসীহ মওউদ (আ.)-এর সত্যতার এক সুস্পষ্ট নির্দর্শন। আমাদের কাজ হল, নিজেদের সংশোধন করা, আল্লাহ্ প্রতি বিনত হওয়া, তবলীগ ও কুরবানীর প্রতি অধিক মনোযোগ দেয়া এবং ইসলামের সত্যতা বিশ্ববাসীর সামনে তুলে ধরা।

এরপর হ্যুর ওয়াকফে জাদীদের ৬১তম বছর, যা গত ৩১ ডিসেম্বর শেষ হয়েছে, তার কিছু পরিসংখ্যান তুলে ধরেন। এ বছর ওয়াকফে জাদীদ খাতে পুরো বিশ্বে ৯১ লক্ষ ৩৪ হাজার পাউন্ড চাঁদা সংগ্রহ হয়েছে, যা গত বছরের তুলনায় ২ লক্ষ ৭১ হাজার পাউন্ড বেশি। মোট চাঁদা সংগ্রহের দিক থেকে বরাবরের মতই পাকিস্তান প্রথম স্থানে রয়েছে। এছাড়া বর্হিবিশ্বের শীর্ষ দশটি দেশ হল যথাক্রমে, যুক্তরাজ্য, জার্মানি, আমেরিকা, কানাডা, ভারত, অস্ট্রেলিয়া, ইন্দোনেশিয়া, মধ্যপ্রাচ্যের একটি দেশ, ঘানা এবং মধ্যপ্রাচ্যের আরেকটি দেশ। মাথাপিছু চাঁদা প্রদানের দিক থেকে ১ম আমেরিকা, ২য় সুইজারল্যান্ড, ৩য় অস্ট্রেলিয়া। এ বছর ১৭ লাখ ৩২ হাজার আহমদী ওয়াকফে জাদীদের চাঁদায় অংশ নিয়েছেন, বিগত বছরের তুলনায় ১ লাখ ২৩ হাজার নতুন সদস্য এতে অংশ নিয়েছেন।

হ্যুর দোয়া করেন, আল্লাহ্ তা'লা ওয়াকফে জাদীদের চাঁদার খাতে অংশগ্রহণকারী সবার ধন-সম্পদ ও জনবলে সমৃদ্ধি দান করুন, আর ভবিষ্যতে তাদেরকে আরো উন্নত মানের কুরবানী করার তৌকিক দিন, আমীন।

[প্রিয় শ্রোতামঙ্গলি! হ্যুরের খুতবা সম্পূর্ণ শোনার কখনোই কোন বিকল্প নেই, আমরা সময়ের প্রতি লক্ষ্য রেখে খুতবার সারমর্ম উপস্থাপন করছি মাত্র। আপনাদেরকে হ্যুরের পুরো খুতবাটি শোনার অনুরোধ রইল। হ্যুরের খুতবাটি পুরো শুনতে পাবেন আমাদের ইন্টারনেট রেডিও চ্যানেলে অর্থাৎ, voiceofislambangla-য় এবং আমাদের ওয়েবসাইট www.ahmadiyyabangla.org -এ।

আসসালামু আলাইকুম ওয়া রহমাতুল্লাহি ওয়া বারাকাতুহ।